

經驗廣集卷二

癆症

補益諸方因症選用

救勞湯

治癆嗽發熱盜汗痰中帶血或成肺痿等症

白芍

人參

黃芪

當歸

熟地

炙草

茯苓

款冬

百合

五味

麥冬

薑棗水煎服

糖杏飲

治癆嗽神效

杏仁

一兩

淨器搗爛如泥分爲三服每服內加冰

糖三錢共入蓋碗內用滾水沖蓋片時俟溫連仁末服

下早晚各一次三服而愈如以杏仁煎則無效

糖貝飲 治勞嗽屢效

貝母

冰糖

各二兩

每早用三錢白滾湯調雞子

清一個同服最驗

白花膏

治勞嗽帶血

欵冬花

百合

蒸焙等分

爲末蜜丸龍眼大每臥時

嚼一丸薑湯下

二仙膏

大補虛損有回生之功

類編

牛乳

福圓

各半斤

煎膏酒服

仙指集卷三 勞嗽聖藥

二仙膏

勞嗽聖藥

百合

四兩

蜜

半斤

梨汁

一碗

煉蜜成珠將百合研末熬透入梨汁攪勻早晚服數匙

五汁膏

勞嗽神方

蜂蜜

薑汁

各四兩

白蘿蔔汁

梨汁

各半斤

人乳

一碗

共熬成膏早晚滾湯服數匙二料除根

回生膏

血虛火旺消補兩難服此神效

人乳

男用女胎乳
女用男胎乳

藕汁

白蜜

白酒頭漿

童便

後入各等分

煎膏滴水不散每晨空心白湯下半

蓋病深者多服全愈忌服寒涼藥不救

甘露神膏

治燥熱吐血乾癆等症

錦囊

甘露

于草木上張布設法取之一鍾

蜂蜜

大半鍾

人乳

一鍾

人參

錢二三

四汁竝一處重湯煉濃溫和日服

如神寧嗽膏

治陰虛火動吐血咯血咳嗽喘急此膏大

歛肺止嗽化痰之聖藥也

天冬

八兩

杏仁

貝母

百部

百合

各四兩

款冬

五兩

紫苑

三兩

共為細末水煎三次入飴糖

八兩蜜一斤再熬又入阿膠白

茯苓

各四兩曬乾為末入

前汁內和勻如糊成膏每服二三匙

地黃汁 治骨蒸勞熱或日晡寒熱喘急

生地黃 一斤 搗爛絞汁頻服身冷卽止又用米三

合煮白粥臨熟入地黃汁攪勻空心食之

獨乳延生丸 陰陽文註

茯苓 一斤 打碎 用牛乳數斤人乳更妙在銅器內慢煎

隨煎隨攪俟稠以茯苓收之曬乾磨細糯米湯和丸每

早白湯服二三十丸最效

桑棗酒 治虛勞痰嗽七日見效

桑葉

九月經霜者陰乾

紅棗

各一斤 好酒 五斤

浸入罈內煮二炷香空心服三小鍾不可多飲

雄雞酒

治五勞七傷并婦人赤白帶下神效

雄雞

一隻白毛烏骨

將繩弔死退去毛屎切作四塊入生

薑四兩膠棗半斤陳酒六斤裝入大壺內泥封口重湯

煮一日涼水拔去火毒空心連薑棗食之

母雞散

治五癆七傷諸虛百損等症

肥母雞

一隻

用繩弔死去毛淨用竹刀剖開去其

屎不可入水卽用陰陽瓦焙乾定以煙盡爲度可重六

七錢研末分爲三服黃酒調下重病不過二三隻全愈
如兼咳嗽前諸膏方選用兼服

老鴨果 專治勞病痰嗽

老白鴨 一隻

去毛水洗淨用竹刀剖開去腸肝肺

不見水仍入內再入龍眼肉四十九箇桃仁十箇蓮肉
一兩五錢貝母五錢線縫緊密用新砂鍋一箇陳酒一
斤童便二斤甜水一斤煮極爛熟先用肚內果子鴨湯
隨用鴨肉可下飯至重者四五服全愈

健豬肺 治久嗽勞病

健豬肺

照常洗淨少放湯煨極爛極稠少放些醬

油醋蓋好次日五更病者不曾說話時着人用開水頓熱吃下再睡一覺次日又復如此一肺可分兩三服重者不過三四肺全愈應驗多人最忌說過話則不靈而其豬肺煨好少用醬油又可下飯

貝蓮豬肺

治骨蒸勞熱咳嗽不止

健豬肺 一箇

貝母二錢蓮肉四兩同煮極爛吃過

兩日後貝母加一兩五錢蓮肉加半斤連吃數箇卽愈

米豬肚

治虛勞吐血

肥豬肚一具入江米一茶鍾線縫嚴密煮極爛吃連湯飲數次卽愈

鰻魚丸 治男婦一切虛勞弱症○鰻魚味腥能殺癆蟲

大鰻魚

不拘幾斤

水洗淨蒸籠鋪荷葉將鰻魚放上蒸

一炷香取起去頭尾骨搗爛入炒熟山藥末丸如梧子大晒乾加薄荷磁器收固勿走藥氣空心薄荷湯或酒下三四錢四十九日全愈

鵒糞包 治傳屍勞病背脊內必然有蟲

鵒糞

三五合

炒極熱布包從尾間擦背脊上至大椎

又從大椎擦背脊下至尾閭如此上下數十次冷則易之日擦十餘次夜擦五六次三日內外長擦其蟲必死服藥可愈

川椒丸 既取勞蟲亦養脾胃

川椒 焙乾

爲末米糊爲丸如梧子大每服三四丸

亦可作末服米飲下一二錢服後必麻痺少頃乃其驗也

灸癆蟲法

用溼紙條貼脊背上紙先乾者卽癆蟲處以

墨點記用艾灸多灸先備火盆鐵鉗如蟲出卽用鉗夾

火盆內或遠送野外埋土內怕飛入人口鼻內要謹防

失血 凡血症選前諸膏服甚驗

輪迴酒 凡一切血症飲童便者百無一死飲寒涼者百

無一生

童便 吃乳者佳
截頭去尾

不拘時早晚服以病愈爲度○病

在陽分益氣歸脾在陰分四物六味諸湯加減甚效

止血湯 治吐血不止

當歸 二錢
川芎 錢半
官桂 三錢

水煎服立止

神效煎

薏苡仁

炒熟一兩

柴胡

炒黑五錢

水煎服即愈

陳甘散

治暴吐血

廣皮

生甘草

各五錢

共為細末每用錢半燒酒

調服立止

婆婆奶

治吐血不止神方

家園生地黃

北人呼為婆婆奶遍地有之

洗淨搗汁半鍾入童

便半鍾和勻重湯煮一沸溫服立效

血餘散

治血症妙藥

頭髮

要少壯者水洗淨曬乾火燒悶炮

研末每服童便下一二錢

衄血吹鼻立止

韭菜汁 治諸血極效

韭菜

連根洗淨

搗爛入童便在內用布絞去渣重湯煮

熱澄清者飲之立止

荊芥散 或吐或口鼻出血不過二服全愈

荊芥穗

炒黑

爲末每二錢童便下

藏經方 治酒色內傷血熱妄行口鼻俱出須臾不救

荊芥穗

炒黑

側柏葉

蒸焙

人參

爲末每二錢入飛

羅麪二錢以溫水調如稀糊服少頃再嚥一服立止此

藏經神方也

一方 治勞怯桑葉搗汁和童便煎露至五更時服之被
蓋煖一睡而起頻服取效此神方也

一方 治傳尸勞蟲忍冬藤莖葉煮濃汁酒下

一方 槐花木耳各一兩爲末每二錢酒下

一方 瓜蔓泥裹燒存性研末每服三錢糯米湯下

一方 山茶花焙爲末每服三錢酒下

一方 白雞冠花醋浸煮七次熱酒下

一方 嫩荷葉七箇水煎入蜜少許飲

一方 心熱口乾刺薊根葉搗汁飲二小杯

衄血

止衄湯 治衄血秘方

人乳

童便

好酒

各等分

以碗盛重湯煮熱飲

之

麥地煎 治衄血不止

麥冬

生地

各五錢

水煎服立止

白芨散

治衄立止兼治嘔血傷肺神效

白芨

爲末童便調服立止

烏梅散

吹鼻其效

治髮

燒灰存性

烏梅

焙一箇

研末吹鼻立止

嚏面法

勿令患人知日少哈井花木忽然嚏其面立止

吹鼻法

千葉石榴花研末吹鼻中神效○浮萍末吹之

○枯礬末吹之

塞鼻法

韭根葱根同搗如棗大塞鼻中頗易兩三次愈

熨頂法

用紙一張作八摺於水內蘸濕置頂中以熱熨

斗熨之至或一重二重紙乾立止○蓖麻黃油

塗灸熱熨顙門上大驗

掛項法

用索一條兩頭繫磚上掛項後磚石墜胸前

扎指法

將線扎住中指左出扎左右出扎右左右出俱

扎

塗足法

搗大蒜塗兩足心左鼻出貼左右鼻出貼右左

右出俱貼

洗足法

用新汲水隨左右洗足卽止屢用有效

一方

生蘿蔔搗汁和酒服之入鹽少許服二盞立止

一方

藕節搗汁飲竝滴鼻中

一方

生車前蒼耳莖葉青蒿俱可各搗汁飲